



Inatsisartunut ilaasortaq Karl Lyberth, Siumut
Inatsisartut
/MAANI

Arctic Green Food A/S pillugu § 37 nr. 160-imut akissuteqaat

Inatsisartut Suleriaasianni § 37, imm. 1 naapertorlugu Arctic Green Food A/S pillugu apeqquteqarsimavutit. Apeqqutit uannut akisassanngortinneqarsimapput.

Apeqqutit:

1. Ukioq manna Arctic Green Food-imut kiffartuussinissamut isumaqatigiissut qanoq annertutigisumik aningaasartaqarpa?
2. Kiffartuussinissamut isumaqatigiissut qanoq sunillu piumasaqaatitaqarpa?
3. Kiffartuussinissamut isumaqatigiissut aalisakkerivinnik nutarterinissanik ilanngullugu piumasaqaatitaqarpa?

Akissutit:

1-imut) 2012-imut Arctic Green Food A/S (AGF)-imit kiffartuussinermi tunniunneqartartut pillugit isumaqatigiissut (kiffartuussinissamik isumaqatigiissut) naapertorlugu akiliutissatut aalajangiunneqarsimapput 11 mio. kronit, aamma 2013-imut 7 mio. kroninut aalajangiunneqarsimallutik. Maannakkut piffissaq isumaqatigiissuteqarfiusoq tassaavoq 2012 aamma 2013.

2-mut) Kiffartuussinissamik isumaqatigiissummi pingaarnerusutigut piumasaqaatit ukuupput:

AGF-p tunitsivinnut kiffartuussinissamik isumaqatigiissummut ilaatinneqartunut tamanut qulakkiissavaa aalisartunut piniartunullu tunisisitsinissamut periarfissaqartoqarnissaa.

Tamatumunnga ilanngullugit aalisakkerivinnut ataasiakkaanut kiffartuussinissamik isumaqatigiissummut ilaatinneqartunut kiffartuussinierup killiffiata, isumaqatigiissutaasumik kiffartuussinierup killiffissaa malissagaa, suliniummut missingersuosiorneqartumut sanilliullugu.

AGF-ili periarfissaqarpoq niuerpalaartunik kiffartuussinierup killiffiatigut naleqqussaasinnaanissaminut. AGF pisussaaffeqarpoq niuerpalaartunik naleqqussaarnut tunngatillugu allannguinernik paasissutissiisarnissamut, sulissinerup killiffianik aamma tunisisitsinissamut periarfissanik sunniisinnaasunik.

Tamakku qaavisigut AGF arlalinnik kiffartuussinissamik isumaqatigiissummi pisussaaffeqarpoq nalunaarutiginnittarnissamut aamma paasissutissat sorliit nassuiaatigineqassanersut pillugit tunisisitsisarnermut aamma tunisassiornermut tunngatillugu.

AGF-imut piumasaqaatit ataasiakkaat:

- qulakkiissallugu tunisisitsisarnikkut-, assartuussinikkut aamma tunisassiornikkutt kiffartuussineq tunisisitsinermi aamma tunisassiornermi suliniutinut missingersuutini saqqummiunneqartuni killiliussat iluini,

28. juni 2012
Sagsnr. 2012-067934
Dok. Nr. 942503

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

- kiffartuussinermi isumaqatigiisummut ilanngussami aalajangersarneqarsimasutut.
- Qulaanili allassimasut pisassapput naatsorsuutigalugu tulliuuttumi, nassuerutigineqarpat, naleqqussaasoqarsinnaassasoq, tassunga ilanngullugu tunisisitsinerit unitsikkallarneqarsinnaasut aalisakkanut assigiinngitsunut ataasiakkaanut tunngatillugu imaluunniit aalisakkerivinnik matusigallartoqarsinnaasoq avataanit piumasaqaatit (oqartussaasunit piumasaqaatit) pissutigalugit, pisuussutigut toqqammavissaqannginnermi, silap pissusaa pissutaalluni imaluunniit allat pissutigalugit naak tamakku kinguneqassanngikkaluartut kiffartuussinissamik isumaqatigiisummut akiliutaasartumit iluarsaassineq.
 - AGF-p taamaallaat qulakkiissavaa, piffissami isumaqatigiisuteqarfiusumi aalisartunit piniartunillu AGF-ip aalisakkeriviutaanut tunisisitsisarnissamut periarfissaqarnissaa.
 - AGF paasissutissanik nassiussisarnissamut pisussaaffeqarpoq, taaneqartumik tunisat nalinginik nalunaarutiginnittarnermut tunngatillugu, qanoq naleqartillugit aamma kikkunnt nioqutissiat tunisassiarineqartut tunineqarnerisut pillugit. Taakkununga ilanngullugit nunami namminermi tunitsivimmuut tunisaqartarnermi paasissutissat pillugit. Tamakku qaavisigut AGF sukumiisunik nassuiaateqartassaaq aalisakkeriviit ataasiakkaat aamma aalisakkeriviit tamarmiusut ataatsimoortumik pillugit, tassani paasissutissiissutigineqassallutik tunisisitsineq, tunisassiorneq, aningaasarsiat aalajangiisartullu allat arllallit. Tamatuma qaavatigut AGF pisussaaffeqarpoq kissaatigineqassappat amerlanerusunik paasissutissiisarnissamut.
 - Paasissutissat tamarmik, AGF-imit kiffartuussinissamik isumaqatigiisut naapertorlugu nassiunneqartussat, AGF-imit kinguarsaanertaqanngitsumik Inatsisartut Kukkunersiuinnermut Ataatsimiititaliaanut aamma Aningaasaqarnermut Ataatsimiititaliamut peqatigitillugit nassiunneqartassapput.
 - AGF pisussaaffeqarpoq ilisimatitsissalluni imatut pisuni, isumaqatigiisutaasumik kiffartuussinissaq eqquutsinneqarsinnaatinnagu, tamatumalu kingunerisaanik AGF-imi aningaasaqarniarnikkut pissutsit ajornerulerlutik imaluunniit nammaneqarsinnaajunnaarlutik. Taamatut paasissutissiisoqartassaaq pisariaqanngitsumik kinguarsaanertaqanngitsumik.
 - AGF-imit aalajangiunneqassappat sulisumi ilai isumaqatigiisummut matumunnga ilaatinneqartut soraarsinneqartariaqalernerat, tamanna nalunaarutigineqassaaq.
 - AGF-imit kiffartuussinikkut killiffimmit nalinginnaasumik niuerpalaartumik naleqqussaasoqarsinnaavoq assersuutigalugu tunisassiat piumaneqartarnerisigut, silap pissusaa pissutigalugu aalajangiisartutigit, avataani akit qaffannerisigut, niuerfinni akornusersuisoqarneratigit il.il. annertuunik allannguinerit kingunerisaannik. Naleqqussaanagerusinnaasut taamaallaat ingerlanneqartassapput missingersuusiornikkut tamakkiisumik nalilersuineq tunngavigalugu tamarmiusumik tunisisitsinikkut aamma tunisassiornikkut suliniutit imaluunniit aserfallatsaaliinerit imaluunniit aningaasalersuinerit ingerlaarnerat pissutigalugit. Allannguinerit pisussaaffit sunnerneqassappata tunisisitsisarnissamik periarfissamut tunngatillugu tamakku pillugit AGF allakkatigit ilisimatitsisassaaq.

3-mut) Kiffartuussinissamik isumaqatigiisummi pisussaaffiit aalangersarneqarsimapput aalisakkerivinni tunitsiviusuni suliniuteqarnerup killiffia naapertorlugu, pingaarnerusumillu pingaaruteqartuulluni akiliuteqartarnermut tunngatillugu.

Taamaasilluni aalajangersarneqarsimanngilaq, aalajangersimasumik
aningsaalersuinissamut killiffeqarnissaq kiffartuussinissamik
isumaqatigiissummi aalisakkerivinnik nutarterinernut. Kiffartuussinierullu
killiffianut akiliuteqarnissami naatsorsuutigineqassaaq, maskiinani atortunilu
aserfallatsaaliisoqartarnissaa, tamakkumi kiffartuussinissamik
isumaqatigiissummut akiliuteqartarnermi ilaatinneqarmata.
Taamaasilluni tunisassiornikkut atortunut aningasaliinerit nutarterinerillu
aningsaartuutaapput AGF-imit nammineq siunissami ingerlatsinissaminut
namminneerluni naatsorsuutigisaminut tunngatillugit isumagisartagassai.

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalakkersuisoq